

Na osnovu člana 100. i 101. Poslovnika Skupštine Zeničko-dobojskog kantona-Novi Prečišćeni tekst („Službene novine Zeničko-dobojskog kantona“ broj: 7/12 i 12/13), Skupština Zeničko-dobojskog kantona, na 62. sjednici održanoj dana 10.07.2018. godine, donijela je:

ODLUKU
o izmjenama i dopunama Poslovnika
Skupštine Zeničko-dobojskog kantona

Član 1.

U Poslovniku Skupštine Zeničko-dobojskog kantona - Novi Prečišćeni tekst („Službene novine Zeničko-dobojskog kantona“ broj: 7/12 i 12/13), u članu 8. iza stava 1. dodaje se novi stav 2. koji glasi:

„Prije davanja svečane izjave intonira se himna države Bosne i Hercegovine“.

Dosadašnji stavovi 2., 3. i 4. postaju stavovi 3., 4. i 5.

Član 2.

Član 10. mijenja se i glasi:

„Član 10.

Svaki klub naroda predlaže, iz reda svojih članova, jednog kandidata za mjesto predsjedavajućeg ili zamjenika predsjedavajućeg Skupštine.

Skupština jedinstvenim glasanjem potvrđuje kandidate natpolovičnom većinom od ukupnog broja poslanika u Skupštini.

Od Skupštine potvrđeni kandidati, između sebe, odlučuju ko će biti Predsjedavajući Skupštine i sa tom odlukom upoznaju Skupštinu.

Ukoliko od Skupštine potvrđeni kandidati, između sebe, ne mogu postići dogovor ko će biti predsjedavajući Skupštine, isti se bira prostom većinom glasova.

Ako u Skupštini nema poslanika, odnosno kluba nekog od konstitutivnih naroda, mjesto zamjenika predsjedavajućeg Skupštine iz tog konstitutivnog naroda ostaje nepopunjeno“.

Član 3.

U članu 11. u stavu 1. iza riječi „ostavku“ dodaju se riječi „iz ličnih razloga“.

Iza stava 1. dodaje se novi stav 2. koji glasi.:

„U okolnostima promjene parlamentarne većine ili neodgovornog obnašanja dužnosti predsjedavajućeg ili zamjenika predsjedavajućeg, između sebe potvrđeni kandidati dogovorom ili prostom većinom, najranije u roku od 15 dana od nastanka ovih okolnosti, biraju novog predsjedavajućeg ili zamjenika predsjedavajućeg Skupštine“.

Član 4.

U članu 15. u tački b), umjesto interpunkcijskog znaka ; “ stavlja se slovo „i“.

U tački c), slovo „i“ se briše, a umjesto njega se stavlja tačka.

Tačka d) se briše.

Član 5.

U članu 16. iza alineje 10. briše se interpunkcijski znak ; te se dodaju riječi “na osnovu prijedloga Stručne službe Skupštine”.

Član 6.

U članu 17. stav 1. iza riječi „Skupštine“ (na kraju zgrade) dodaju se riječi „i terminu održavanja nastavka prekinute sjednice Skupštine“.

Član 7.

U članu 19. stav 6. mijenja se i glasi:

“Poslanici dvije ili više političkih stranaka koje u Skupštini imaju najmanje jednog izabranog poslanika zajedno sa poslanicima-nezavisnim kandidatima i poslanicima koji su se u toku trajanja mandata izjasnili da u daljem trajanju mandata u Skupštini djeluju kao samostalni poslanici mogu formirati jedan zajednički klub.”

Iza stava 6. dodaje se novi stav 7. koji glasi:

„Poslovníkom o radu zajedničkog kluba iz stava 6. ovog člana urediće se način rada ovog kluba, a isti ne može biti u suprotnosti sa odredbama ovog poslovníka.“

Član 8.

U članu 23. stav 1. mijenja se i glasi:

„Stalna radna tijela formiraju se prema stručnoj kompetenciji izabranih poslanika, političkom iskustvu i stranačkom sastavu, u najvećoj mjeri“.

Član 9.

U članu 24. stav 3. iza riječi „Zakonodavno-pravne“ slovo „i“ se briše i umjesto njega stavlja se zarez, a iza riječi „Komisije za ustavna pitanja“, tačka na kraju rečenice se briše, te se dodaju riječi „i Komisije za europske integracije“.

Iza stava 3. dodaje se novi stav 4., koji glasi:

„Komisiju za europske integracije čine predsjedavajući i zamjenici predsjedavajućeg Skupštine, te predstavnici klubova svih političkih stranaka (poslanici i vanskupštinski članovi).“

Dosadašnji stav 4. postaje stav 5.

Član 10.

U članu 25. stav 4. mijenja se i glasi:

„Ako predlagač ne uputi svog predstavnika na sjednicu radnog tijela, ta tačka se neće razmatrati“.

U stavu 5. iza riječi „Skupštini“ dodaju se riječi „i Vladi Kantona“.

Član 11.

U članu 32. stav 1. iza tačke m) dodaje se nova tačka n) koja glasi „Komisija za europske integracije“.

Član 12.

U članu 38. dodaje se nova tačka c) koja glasi:

„d) razmatra pitanja i podnosi prijedloge iz oblasti primarne poljoprivredne proizvodnje, pod kojom se u širem smislu podrazumijeva problematika iz domena biljne i stočarske proizvodnje, zaštite bilja, ruralnog razvoja, zakonske regulative i druge aktivnosti koje mogu unaprijediti poljoprivrednu proizvodnju“.

Dosadašnja tačka c) postaje tačka d).

Član 13.

Iza člana 44b. dodaje se novi član 44c., koji glasi:

„Član 44c.

Komisija za europske integracije nadležna je za:

- a) Razmatranje pitanja koja se odnose na opća pitanja u vezi sa europskim integracijama iz nadležnosti Skupštine Zeničko-dobojskog kantona,
- b) Nadziranje usklađivanja zakona iz nadležnosti Skupštine Zeničko-dobojskog kantona sa pravnom stečevinom Europske unije,
- c) Uspostavljanje i ostvarivanje saradnje sa komisijama i tijelima drugih skupština kantona, te nadležnim komisijama parlamenata viših nivoa vlasti u Bosni i Hercegovini, u vezi sa pitanjima europskih integracija,
- d) Praćenje izvršavanja prava i obaveza Zeničko-dobojskog kantona koja se odnose na europski put Bosne i Hercegovine,
- e) Informisanje o korištenju dodijeljenih sredstava iz fondova Europske unije Zeničko-dobojskom kantonu,
- f) Informisanje o svim pitanjima europskih integracijama u Bosni i Hercegovini,
- g) Razmatranje i drugih pitanja vezanih za europske integracije i regionalnu saradnju,
- h) Razmatranje i drugih pitanja po zaključcima Skupštine Zeničko-dobojskog kantona iz oblasti europskih integracija i regionalne saradnje.“

Član 14.

Član 47. mijenja se i glasi:

„Skupština jednom godišnje, a Kolegij svakih šest mjeseci, razmatra Izvještaj o radu i ostvarivanju programa rada Skupštine, te preduzima odgovarajuće mjere za njegovo izvršenje.“

Član 15.

U članu 50. iza stava 1. dodaje se novi stav 2. koji glasi:

„Svečana sjednica počinje intoniranjem himne države Bosne i Hercegovine“.

Dosadašnji stav 2. postaje stav 3.

U članu 50. u dosadašnjem stavu 2. koji postaje stav 3., iza riječi „okolnostima“ dodaju se riječi: „promjene parlamentarne većine“ iza kojih se stavlja zarez.

U članu 50. iza dosadašnjeg stava 2. koji postaje stav 3., dodaje se novi stav 4., koji glasi:

„Skupština može imati i tematske sjednice, uz obavezno pisano obrazloženje, koje je predlagatelj tematske sjednice dužan dostaviti Kolegiju. Predlagatelj tematske sjednice može biti Kolegij, najmanje 12 poslanika u Skupštini Kantona i Vlada Kantona.“

Član 16.

U članu 53. stav 1. mijenja se i glasi:

„Poziv za sjednicu Skupštine upućuje se poslanicima, Vladi i ostalim učesnicima u sjednici, skupa sa prijedlogom dnevnog reda, u elektronskoj formi na službenu ili drugu vjerodostojnu e-mail adresu koju dostave poslanici i ostali učesnici u sjednici, najmanje 8 dana prije održavanja sjednice, te se postavlja na internet stranicu Zeničko-dobojskog kantona, zajedno sa svim materijalima za sjednicu Skupštine.“

Član 17.

U članu 61. stav 2. riječi „8 dana prije održavanja sjednice Skupštine odnosno četiri dana za klub naroda“ zamjenjuju se riječima „do zaključenja rasprave o Zakonu, propisu ili drugom aktu Skupštine.“

Član 18.

U članu 66. iza stava 1. dodaje se novi stav 2. koji glasi:

„Ukoliko Skupština ne usvoji prijedlog dnevnog reda sjednica se ne može održati, a u roku koji ne može biti duži od 15 dana zakazuje se ista sjednica sa istim ili izmijenjenim prijedlogom dnevnog reda“.

Dosadašnji stav 2. postaje stav 3.

Član 19.

Član 68. stav 1. mijenja se i glasi:

“Poslanik može da govori nakon što putem e-parlament informacionog sistema, (u daljem tekstu: EPIS), na službenom uređaju, odabirom odgovarajuće opcije, zatraži i dobije riječ od predsjedavajućeg i to samo o pitanju o kome se raspravlja. Ukoliko zbog tehničkih ili drugih problema nije moguće koristiti EPIS putem službenih uređaja, poslanik može zatražiti riječ dizanjem ruke ili odgovarajućeg kartona.”

Član 20.

U članu 71. stav 3. mijenja se i glasi:

“Svaki pojedinom poslaniku u toku iste tačke dnevnog reda dozvoljene su najviše četiri replike.”

Član 21.

U članu 74a. u stavu 2. riječi “pismenim putem” zamjenjuju se riječima „dostavom poziva u elektronskoj formi na službenu ili drugu vjerodostojnu e-mail adresu koju dostave poslanici i postavljanjem poziva na internet stranicu Zeničko-dobojskog kantona “

Član 22.

U članu 75. iza stava 3. dodaje se novi stav 4. koji glasi:

“Odlučivanje po amandmanu na prijedlog nekog akta, vrši se nakon okončanja rasprave po aktu na koji se amandman podnosi.”

Dosadašnji stav 4. postaje stav 5.

Član 23.

U članu 78. stav 3. mijenja se i glasi:

„Glasanje se u pravilu obavlja putem EPIS-a odabirom jedne od ponuđenih opcija na službenom uređaju, a u slučaju tehničkih ili drugih problema zbog kojih nije moguće koristiti EPIS putem službenih uređaja, glasanje se može obaviti podizanjem odgovarajućeg kartona ili dizanjem ruke, te u propisanim slučajevima pojedinačnim izjašnjavanjem svakog poslanika.”

Član 24.

Član 93. mijenja se i glasi:

„Javnost rada Skupštine i njenih radnih tijela se obezbjeđuje stvaranjem uslova za televizijske, radijske i internet prenose sjednica Skupštine, konferencijama za novinare, izdavanjem zvaničnih saopštenja, omogućavanjem praćenja rada Skupštine od strane predstavnika sredstava javnog informisanja, posmatrača domaćih i međunarodnih udruženja i organizacija i zainteresovanih građana, uvidom u zapisnike sa sjednica Skupštine na internet stranici Zeničko-dobojskog kantona i na druge načine u skladu sa Poslovnikom Skupštine.

Pristup informacijama iz prethodnog stava može biti uskraćen samo ako one predstavljaju državnu, vojnu, službenu ili poslovnu tajnu, na način propisan zakonom ili drugim propisima donesenim na osnovu zakona.

O aktivnostima stalnih radnih tijela Skupštine javnost se obavještava putem sačinjenih Obavijesti koje se objavljuju na internet stranici Zeničko-dobojskog kantona. Ove Obavijesti se sačinjavaju na osnovu Izvještaja sa sjednica stalnih radnih tijela Skupštine.

O aktivnostima predsjedavajućeg Skupštine, Stručna služba Skupštine-poslovi protokola obavještavaju javnost putem saopštenja za javnost i najave događaja na internet stranici Zeničko-dobojskog kantona.“

Član 25.

Član 94. mijenja se i glasi:

„Predstavnicima medija bit će omogućeno prisustvovanje sjednicama Skupštine u skladu sa prostornim mogućnostima i uz ispunjavanje uslova propisanih Pravilnikom koji donosi sekretar Skupštine.

Predstavnici udruženja građana, nevladinih organizacija i građana, (u daljem tekstu: gosti), mogu pratiti tok sjednica Skupštine iz klupa koje su predviđene za goste.

Gostima na sjednici Skupštine, na osnovu prethodno podnesenog pisanog zahtjeva, dozvolu za prisustvo sjednicama daje Stručna služba Skupštine, (u daljem tekstu: Služba), uz prethodnu saglasnost predsjedavajućeg i dva zamjenika predsjedavajućeg Skupštine.

Zahtjev za praćenje toka sjednice upućuje se Službi najkasnije tri dana prije dana održavanja sjednice. Služba izrađuje popis imena gostiju prema redoslijedu prijavljivanja.

Ukoliko je broj prijavljenih gostiju veći od broja mjesta u prostoru skupštinske sale predviđenog za goste, Služba je dužna prijavljene goste, koji neće moći prisustvovati sjednici, o tome izvijestiti putem e-mail-a ili na drugi odgovarajući način, najkasnije dan prije namjeravanog praćenja sjednice.

Popis imena predstavnika gostiju kojima je odobreno prisustvo na sjednici Skupštine, Služba dostavlja predsjedavajućem Skupštine, sekretaru Skupštine i rukovodiocu službe zadužene za obezbijedenje, najkasnije dan prije početka sjednice.

Pri ulasku u zgradu sjedišta institucija Zeničko-dobojskog kantona predstavnici gostiju moraju pokazati identifikacioni dokument, te proći procedure mjera sigurnosne kontrole.

Tokom praćenja sjednice Skupštine gosti ne smiju remetiti red i tok sjednice (kao npr. aplaudirati, glasno razgovarati, koristiti mobilni telefon, nositi transparente, fotografisati...).

Sekretar Skupštine, uz prethodnu saglasnost predsjedavajućeg i dva zamjenika predsjedavajućeg Skupštine, može odobriti prisustvo sjednicama Skupštine i izvan rokova iz stava 4.

ovog člana u slučaju promjene dnevnog reda i obrazloženog interesa, kao i u slučaju obrazloženog zahtjeva podnesenog izvan roka iz stava 4. ovog člana.

Izuzetno, sekretar Skupštine, uz prethodnu saglasnost predsjedavajućeg i dva zamjenika predsjedavajućeg Skupštine, može, iz sigurnosnih razloga, uskratiti dozvolu za praćenje toka sjednice Skupštine bez obzira na rokove i poduzete radnje iz stava 3. i 4. ovoga člana“.

Član 26.

U članu 96. stav 2. mijenja se i glasi:

„Predstavnicima medija i građanima bit će omogućeno prisustvovanje sjednicama komisija Skupštine u skladu sa prostornim mogućnostima i uz ispunjavanje uslova propisanih Pravilnikom koji donosi sekretar Skupštine.“

Član 27.

U članu 119. u stavu 1., iza riječi „poslancima“ dodaju se riječi „u elektronskoj formi na službenu ili drugu vjerodostojnu e-mail adresu“.

Član 28.

U članu 129. iza riječi „dostavljanja poslancima“ dodaju se riječi „u elektronskoj formi na službenu ili drugu vjerodostojnu e-mail adresu koju dostave poslanici“.

Član 29.

U članu 134. u stavu 1. iza riječi „pismeno“ dodaju se riječi „ili u elektronskoj formi na službenu ili drugu vjerodostojnu e-mail adresu Skupštine.“

Član 30.

U članu 140. u stavu 2. iza riječi „poslancima“ dodaju se riječi „u elektronskoj formi na službenu ili drugu vjerodostojnu e-mail adresu koju dostave poslanici“.

Član 31.

U članu 145. u stavu 1. iza riječi „pretresa“, umjesto tačke stavlja se zarez i dodaju riječi „u pismenoj formi sa obrazloženjem.“

Član 32.

U članu 152. u stavu 1. iza riječi „poslancima“ dodaju se riječi „u elektronskoj formi na službenu ili drugu vjerodostojnu e-mail adresu koju dostave poslanici“.

Član 33.

U članu 153. u stavu 2. iza riječi „radnim tijelima“, umjesto tačke stavlja se zarez i dodaju riječi „u elektronskoj formi na službenu ili drugu vjerodostojnu e-mail adresu koju dostave poslanici i članovi radnih tijela“.

Član 34.

U članu 177. u stavu 3. iza riječi „prijedloge“ dodaju se riječi „u elektronskoj formi na službenu ili drugu vjerodostojnu e-mail adresu koju dostave poslanici“.

Član 35.

U članu 195. u stavu 2. riječ „ili“ zamjenjuje se riječju „i“, a iza riječi „inicijativu“ umjesto tačke stavlja se zarez i dodaju riječi: „u ukupnom trajanju od pet minuta.“

Član 36.

U članu 199. stav 3. mijenja se i glasi: „Kada predsjedavajući dobije odgovor na poslaničko pitanje ili inicijativu, isti se posredstvom Stručne službe Skupštine, dostavlja svim poslanicima Skupštine u elektronskoj formi na službenu ili drugu vjerodostojnu e-mail adresu koju dostave poslanici“.

Član 37.

U članu 202. u stavu 2. iza riječi „Skupštine“ dodaju se riječi „u elektronskoj formi na službenu ili drugu vjerodostojnu e-mail adresu koju dostave poslanici“.

Član 38.

U članu 205. u stavu 3. iza riječi „Vladi“ dodaju se riječi „u pismenoj formi“, a iza riječi „poslanicima Skupštine“ dodaju se riječi „u elektronskoj formi na službenu ili drugu vjerodostojnu e-mail adresu koju dostave poslanici“.

Član 39.

U nazivu poglavlja X-SARADNJA SKUPŠTINE SA OPĆINSKIM VIJEĆIMA, ispred riječi „vijećima“ dodaju se riječi „I GRADSKIM“.

Član 40.

U članu 214. ispred riječi „općinskim“ dodaju se riječi „gradskim i“.

Član 41.

U članu 215. iza riječi „općinskih“ dodaju se riječi „i gradskih“.

Član 42.

U članu 216. iza riječi „općinskih“ dodati riječi „i gradskih“.

Član 43.

Ovlašćuje se Zakonodavno-pravna komisija Skupštine da utvrdi treći prečišćeni tekst Poslovnika Skupštine Zeničko-dobojskog kantona.

Član 44.

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

PREDSJEDAVAJUĆI

Broj: 01-01-11295/18

Datum, 10.07.2018. godine

Zenica

Jasmin Duvnjak

